



Broj: 07-14-712/18
Vogošća, 17.05.2018. godine

Na osnovu člana 70. i 72. stav 3. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 17.05.2018. godine donio je

**ODLUKU
O IZBORU DRUGORANGIRANOG PONUĐAČA ZA IZVOĐENJE RADOVA NA IZGRADNJI
KOLEKTORA OBORINSKE KANALIZACIJE U ULICI GORNJA JOŠANICA II, NA PODRUČJU
OPĆINE VOGOŠĆA**

Član 1.

Ponuda ponuđača "Hidrom" d.o.o. Vogošća, ulica Naselje Rosulje-Nova Vogošća blok 11., odabrana je za izvođenje radova na izgradnji kolektora oborinske kanalizacije u ulici Gornja Jošanica II, na području općine Vogošća, kao drugorangirana ponuda sa Rang liste, sa ponuđenom cijenom tehnički zadovoljavajuće ponude u iznosu od 129.307,50 KM bez PDV-a, odnosno 151.289,77 KM sa uračunatim PDV-om.

Član 2.

Ovom Odlukom stavlja se van snage član 1. Odluke o izboru najpovoljnijeg ponuđača za izvođenje radova na izgradnji kolektora oborinske kanalizacije u ulici Gornja Jošanica II, na području općine Vogošća broj: 07-14-712/18 od 08.05.2018. godine.

Član 3.

U preostalom dijelu Odluka o izboru najpovoljnijeg ponuđača za izvođenje radova na izgradnji kolektora oborinske kanalizacije u ulici Gornja Jošanica II, na području općine Vogošća broj: 07-14-712/18 od 08.05.2018. godine ostaje na snazi.

Član 4.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

OBRAZLOŽENJE

Općinski načelnik je dana 16.04.2018. godine donio Odluku o pokretanju Otvorenog postupka nabavke radova na izgradnji kolektora oborinske kanalizacije u ulici Gornja Jošanica II, na području općine Vogošća, zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 16.04.2018. godine pod brojem: 1353-1-3-59-3-33/18. Sažetak Obavještenja o nabavci objavljen je u "Službenom glasniku BiH" broj: 25/18 od 20.04.2018. godine.

Nakon provedene Zakonom propisane procedure, dana 08.05.2018. godine Općina Vogošća kao Ugovorni organ je donijela Odluku o izboru najpovoljnijeg ponuđača broj: 07-14-712/18, kojom je kao najpovoljniju ponudu u Otvorenom postupku nabavke radova na izgradnji kolektora oborinske

kanalizacije u ulici Gornja Jošanica II, na području općine Vogošća ocijenila ponudu ponuđača "Bujice" d.o.o Konjic, sa ponuđenom najnižom cijenom tehnički zadovoljavajuće ponude u iznosu od 99.001,99 KM bez PDV-a, odnosno 115.832,33 KM sa uračunatim PDV-om.

Tačkom 7.1.2. TD. a u skladu sa članom 45. stav 2. Zakona je propisano da je izabrani ponuđač u roku od 5 dana od dana donošenja Odluke o izboru najpovoljnijeg ponuđača bio dužan dostaviti na protokol Ugovornog organa dokumentaciju iz člana 45. stav 2. Zakona, kojom se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2 TD su morali biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Dana 14.05.2018. godine ponuđač "Bujice" d.o.o Konjic je na protokol Ugovornog organa dostavio gore traženu dokumentaciju, broj int. knjige 151/18.

Uvidom u dostavljenu dokumentaciju Komisija za javne nabavke je utvrdila sljedeće:

- ponuđač "Bujice" d.o.o Konjic je dostavio Uvjerenje Uprave za indirektno oporezivanje-Regionalni centar Mostar broj: 02/6/III-16-D-2-4822/17 od 21.11.2017. godine kojim se dokazuje da je ponuđač izmirio dospjele obaveze u vezi sa plaćanjem direktnih i indirektnih poreza,
- ponuđač "Bujice" d.o.o Konjic je dostavio Uvjerenje Porezne uprave Federacije BiH-Porezna ispostava Konjic broj: 13-7/4-15-4-21230/17.-H.Đ. od 22.12.2017. godine kojim se dokazuje da je ponuđač izmirio dospjele obaveze, a koje se odnose na doprinose za penzijsko-invalidsko osiguranje i zdravstveno osiguranje,
- ponuđač "Bujice" d.o.o Konjic je dostavio Potvrdu Suda BiH broj: Su: 03-1237/18 od 30.03.2018. godine kojom se dokazuje da protiv pravnog lica "Bujice" d.o.o Konjic nije izrečena pravosnažna osuđujuća presuda za krivična djela učešća u kriminalnoj organizaciji, prevaru korupciju i pranje novca,
- ponuđač "Bujice" d.o.o Konjic je dostavio Potvrdu Općinskog suda u Mostaru broj: Su.uvip. 1052/2018 od 30.03.2018. godine kojom se potvrđuje da ponuđač "Bujice" d.o.o Konjic nije pod stečajem, niti je predmet stečajnog postupka i da nije predmet postupka likvidacije, odnosno da nije u postupku obustavljanja poslovne djelatnosti.

Uvidom u gore pomenutu dokumentaciju utvrđeno je da su Uvjerenja Uprave za indirektno oporezivanje-Regionalni centar Mostar broj: 02/6/III-16-D-2-4822/17 od 21.11.2017. godine i Uvjerenja Porezne uprave Federacije BiH-Porezna ispostava Konjic broj: 13-7/4-15-4-21230/17.-H.Đ. od 22.12.2017. godine starija od tri mjeseca, računajući od dana dostavljanja ponude. Naime, ponuda ponuđača "Bujice" d.o.o Konjic je zaprimljena na protokolu Ugovornog organa dana 03.05.2018. godine, a predmetna Uvjerenja su izdata 21.11.2017. godine (Uvjerenje Uprave za indirektno oporezivanje-Regionalni centar Mostar) odnosno 22.12.2017. godine (Uvjerenje Porezne uprave Federacije BiH-porezna ispostava Konjic), iz čega je vidljivo da ne ispunjavaju Zakonom propisane uslove koji su zahtjevani tačkom 7.1.2. TD.

Komisija za javne nabavke je Zapisnikom o pregledu i ocjeni ponuda broj: 07-14-712/18 od 07.05.2018. godine utvrdila Rang listu u Otvorenom postupku nabavke radova na izgradnji kolektora oborinske kanalizacije u ulici Gornja Jošanica II, na području općine Vogošća kako slijedi:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"Bujice" d.o.o Konjic	99.001,99	115.832,33
2	"Hidrom" d.o.o. Vogošća	129.307,50	151.289,77
3	"Manjo" d.o.o. Sarajevo	137.425,47	160.787,80

Iz navedenih razloga, a primjenom člana 72. stav 3. Zakona o javnim nabavkama BiH ("Službeni glasnik BiH" broj: 39/14) koji propisuje da "Ugovorni organ dostavlja prijedlog ugovora onom ponuđaču čija je ponuda po rang-listi odmah nakon ponude najuspješnijeg ponuđača, u slučaju da najuspješniji ponuđač propusti dostaviti originale ili ovjerene kopije dokumentacije iz člana 45. i 47. ovog Zakona, ne starije od tri mjeseca od dana dostavljanja ponude ili zahtjeva za učešće, u roku koji odredi Ugovorni organ" Komisija za javne nabavke je jednoglasno dala preporuku Općinskom načelniku da se donese nova Odluka o izboru drugorangiranog ponuđača i da se ugovor za izvođenje radova na izgradnji kolektora oborinske kanalizacije u ulici Gornja Jošanica II, na području općine Vogošća dodijeli drugorangiranom ponuđaču sa prethodno utvrđene Rang liste "Hidrom" d.o.o. Vogošća, sa ponuđenom cijenom tehnički zadovoljavajuće ponude u iznosu od 129.307,50 KM bez PDV-a, odnosno 151.289,77 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:

1. "Bujice" d.o.o Konjic
2. "Hidrom" d.o.o. Vogošća
3. "Manjo" d.o.o. Sarajevo
4. Nadležnoj Službi
5. U dosije
6. a/a

036/734-061

033/434-942

033/618-372

OPĆINSKI NAČELNIK


EDIN SMAJIC